

红枣五枚

王慎轩记：服后吐即止，曾来复诊，但后用何方，所治何病，已忘之矣。因其后不再来，原方不返故也。

【按】本方即为吴茱萸汤。《伤寒论》曰：“干呕，吐涎沫，头痛者，吴茱萸汤主之。”此为肝胃虚寒，浊阴上逆。“食谷欲呕，属阳明也，吴茱萸汤主之。”此为胃寒气逆。“少阴病，吐利，手足逆冷，烦躁欲死者，吴茱萸汤主之。”阳虚阴盛，寒浊犯胃。其共同点是寒浊上逆。本案可与下案徐姓妇阳明病互参。

12. 阳明胃实

姜左

潮热自汗，脉滑数，属足阳明，下之愈。

生川军三钱(后人) 炒川朴一钱 炒枳实三钱

芒硝二钱(冲)

【按】此即大承气汤证。

徐姓妇 上海小西门屠肆妇也，年三十余

五月间患病，其初起病状不可知，既而发热，汗出不解。延他医治之，投以银翘桑菊之类，数剂不应，辗转无策，乃求治于余。按其脉，数大有力，知其为阳明证，询其大便若何，屠者曰，初病便不能食，日饮米汤，今不饮食者三日，五十日不大解矣，心下痛不可忍，汤药入口即吐。

余思邪入阳明，即化为热，热邪熏蒸外达，故发热汗不出。热伤津液，则不能滋润肠胃，而肠中之宿食，悉变燥屎，故延至五十日之久不大便。所以不死者，以日饮粥汤，胃气尚存也。心下正当胃脘部位，肠胃中五十日不通，势必因瘀热下壅，而上攻胃脘，故心下痛不可忍。

细按证情，显然当用承气汤，然其为病，始则大渴引饮，继乃入口即吐，察其病由，殆由燥结在脘下，所饮之水，不能与之融化，停